



Broj: 02-04-3-1232/24  
Goražde, 10.05.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22) u postupku javne nabavke – otvoreni postupak, Nabavka radova na sanaciji dijela postojeće vodovodne mreže i izgradnji kaptaze u naselju Ilovača, Gradonačelnik Grada Goražda donosi:

## O D L U K U

o prihvatanju ponude ponuđača „Okac” d.o.o. Goražde za izvođenje radova – Nabavka radova na sanaciji dijela postojeće vodovodne mreže i izgradnji kaptaze u naselju Ilovača

### I

Ovom Odlukom se nakon provedene tenderske procedure za izvođenje radova – Nabavka radova na sanaciji dijela postojeće vodovodne mreže i izgradnji kaptaze u naselju Ilovača, prihvata ponuda ponuđača „Okac” d.o.o. Goražde, sa cijenom ponude u iznosu od 94.013,35 KM bez uračunatog PDV-a.

### II

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđaču koji je učestvovao u postupku javne nabavke.

### III

Nakon pravosnažnosti ove Odluke po isteku roka od 15 dana od datuma Obavještenja ponuđača, Grad Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. dokaz o ispunjavanju uslova iz člana 47. Zakona o javnim nabavkama, kao i original ili ovjerenu fotokopiju važeća licence o pravu obavljanja predmetnih radova izdatu od strane Ministarstva nadležnog za poslove građenja BPK-a Goražde ili Ministarstva prostornog uređenja Federacije BiH. Ukoliko izabrani ponuđač ne postupi u skladu sa ovom obavezom ugovorni organ će ponuditi zaključenje ugovora drugoplasiranom ponuđaču.

## O b r a z l o ž e n j e

Gradonačelnik Grada Goražda je dana 04.04.2024. godine donio Odluku broj 02-04-3-1232/24 o pokretanju postupka javne nabavke radova – Nabavka radova na sanaciji dijela postojeće vodovodne mreže i izgradnji kaptaze u naselju Ilovača, putem otvorenog postupka.

Na osnovu navedene odluke Obavještenje o javnoj nabavci broj 413-1-3-16-3-31/24 objavljeno je na portalu javnih nabavki dana 05.04.2024. godine, sažetak Obavještenja o nabavci objavljen je u „Službenom glasniku BIH” broj 25/24.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 29.04.2024. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-04-3-1232/24 od 04.04.2024. godine dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za izvođenje radova – Nabavka radova na sanaciji dijela postojeće vodovodne mreže i izgradnji kaptaze u naselju Ilovača dostavljena ponuda od strane ponuđača „Okac“ d.o.o. Goražde,

- da dostavljena ponuda ponuđača „Okac“ d.o.o. Goražde ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom,

- da u skladu sa članom 3. tačka (3) Pravilnika o uslovima i načinu korištenja e-aukcije, e-aukcija nije zakazana jer je u ostavljenom roku za dostavljanje ponuda, dostavljena samo jedna prihvatljiva ponuda,

- da je ponuda ponuđača „Okac“ d.o.o. Goražde sa cijenom ponude u iznosu od 94.013,35 KM bez uračunatog PDV-a prema kriteriju „najniža cijena“ ocjenjena kao najpovoljnija za ugovorni organ.

Komisija za provođenje postupka javne nabavke za izvođenje radova – Nabavka radova na sanaciji dijela postojeće vodovodne mreže i izgradnji kaptaze u naselju Ilovača, predložila je Gradonačelniku Grada Goražda donošenje Odluke o prihvatanju ponude ponuđača „Okac“ d.o.o. Goražde za izvođenje radova na sanaciji dijela postojeće vodovodne mreže i izgradnji kaptaze u naselju Ilovača, budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđač,
2. Web stranica,
3. u spis,
4. a/a

**GRADONAČELNIK**

ERNEST IMAMOVIĆ

